

哲之山齋詩集公行本



94569

皇清誥封

通議大夫甘肅秦安縣知縣

人顯考蔭渠府君
妣吳太淑人

行述

嗚呼痛哉

不孝慶元慶凱

為無父無母之人已年

餘矣罪深孽重天降憫凶匝月之間兩遭大故寸

衷慘割萬死莫贖尙何忍言府君先妣生平顧念

府君為學教人處身涉世皆卓然可傳先妣壹德

懿行實堪垂為家範使不亟為闡述恐久而無徵

益重

不孝

罪戾用敢和淚濡毫粗陳梗概伏冀

當代大人先生垂擇焉

行述

府君姓劉氏

諱

曾璇

字

毓源

號

蔭渠先世為直隸

灤州大柳樹莊人前明永樂間占籍鹽山縣才元

里世以耕讀為業九傳至封公

諱

國裕

字

冲寰敦

篤德行敬重文學載鹽山縣誌

誥贈奉政大夫陝西漢中府同知十世中憲公

諱

澤霖

字

雨若順治戊子科拔貢歷官至陝西鳳翔知府

誥授中憲大夫崇祀陝西名宦祠行詣政蹟載鹽山縣

誌畿輔陝西各通誌始移居城內是為府君之太

高祖府君高祖

諱

緒武

字

肅將歲貢生候選縣丞

馳贈文林郎江西永寧縣知縣曾祖諱嵩字中峯太學

生

馳贈修職郎祖諱廷對字颺言太學生

馳贈文林郎甘肅秦安縣知縣晉贈通議大夫山東

候補道加二級祖母衛太君

馳贈孺人晉贈淑人父諱靜年字硯浦廩貢生候選

訓導

敕贈修職郎定州直隸州學正晉贈文林郎甘肅秦

安縣知縣

行述

二

誥贈通議大夫山東候補道加二級母侯太君

敕封八品太孺人晉贈孺人

誥贈淑人府君生而穎異爲先高祖中峯公所鍾愛甫

離襁褓卽辨對偶解吟咏少長入小學讀輒不忘

十三歲應童子試背默五經如流太守孫公奇賞

之一時有神童之目乾隆丙午十七歲受知於學

使平湖沈雲椒先生以闔郡古學第一補博士弟

子員明年卽以冠軍食廩餼後屢試皆第一名噪

津門二十三歲領壬子科鄉薦本房溧陽史竹圃

先生座主諸城劉文清公皆深爲器重而府君顧不以聲華自喜下帷攻苦者二十餘載作讀書鶴和堂賦以見志滄州劉臬聞先生爲津南名宿及臬門者數百人獨以府君爲最嘗曰吾學晚年得人又曰名山之業傳之其人其在斯乎蓋淵源根柢所許者大不徒在記誦詞藝之末也後屢薦春官嘉慶乙丑本房丹徒趙芸浦先生嘆賞不置總裁亦爲之擊節竟因額滿售而復失戊辰

大挑二等例補教職慨然曰學官有化導之責民風

行述

三

士習因之轉移吾旣不得以文章華國則所藉以報稱者豈敢以冷官忽之初任棗強歷元氏宣化而定州無不整飭學校丕振文風焉道光丁亥俸滿驗看上官欲列薦剡力辭不就癸巳十月部掣甘肅秦安縣知縣十一月引

見奉

旨准其補授當卽請假回里省墓旋引病不出賦歸田詩四首曰魚思故池水鳥戀舊林枝眷懷桑梓地舍此欲何之廿載老寒氊况味已深知風塵日鞅

掌夙願非所期邈矣陶靖節長吟歸來辭 十年
不還鄉莓苔封門戶今我復歸來舊地幸有主先
人敝廬在猶可庇風雨徙移步廳前槐蔭滿庭宇
俯仰增感慨風月無今古 一從歸竹社外事不
相關早起覺日長寬然有餘閒兀坐南窗下恍遊
雲水間取我舊時業一字嚴增刪聊以遣歲月敢
說藏名山 嵇康懶寄書澹臺不由徑豈曰誇孤
高迂疎本成性得閒且課孫自覺心神定囊橐留
一錢圖書餘半乘依然是故吾猶有松菊興後繪

行述

四

蓮窗課孫圖以自遣慰嘗曰士各有志志不得遂
則所樂者固在此不在彼耳總計一生賦性耿直
存心忠厚孝友誠敬品高行方嘗諷咏太史公事
親孝與人信臨財廉取予義數語不置先祖以嚴
明持家令府君叅議大綱每多倚賴稱爲家督侍
先祖疾衣不解帶左右服勤不肯假手僮僕官棗
強時迎先祖母至署製錦奉綵曲得歡心先祖母
以家事回里依依泣下悵然若失者累月後聞在
籍抱疾例不得假固請於上官上官愴然曰君至

性懇摯令人感惻雖違例吾任之矣遂得請先後
兩遭大故皆銜哀盡誠經理窳窳心力交瘁而修
葺庭堂支持門戶更以一身任之無非承繼先人
志事故各堂伯叔祖嘗謂不孝等曰汝父之事親

真無遺憾也兄弟九人府君居長與二叔父學礫
公三叔父諧雲公同學共筆硯友愛異常自五叔
父丹嶼公以下率以兄兼師訓課之餘仍極友愛
二叔父晚年抱疾撫視無間寒暑三年如一日五
叔父爲先祖所鍾愛入學未娶早逝乃以不孝慶

行述

五

凱奉祀木主體親心亦所以盡友于也九叔父鳴
宸公需次京師弟妹輩失恃無依撫養鞠育俾皆
成立他如敦宗敬長親師信友有無緩急周恤備
至間有不情之來則以談笑處之人亦終於愧服
故宿儒厚德鄉黨嘖嘖焉邑侯胡朗山先生有言
曰吾治鹽五年人品學問如劉君者夫何間然今

上御極之初

詔舉孝廉方正劉蕉林邑侯曰是惟劉君真足以當之
立意薦舉因府君固辭始罷任定州時有某生爲

武弁所辱衆洵洵集學憲轅門提調某公嚴諭不能止府君出而一言立爲解散翕然帖服又刺史某公因征收失衆心適制憲過境士民紛然欲控感府君諭勸意境內往返二百餘里無一遮道訴者後某生被議赭衣就道猶望署稽首流涕謝曰負吾師也嗚呼誠信感人如此亦可見平生梗概矣天性好學湛深經術凡三代廟朝典禮郊野規制以及車服器數靡不薈萃衆說考核詳明有稽古錄隨筆錄策學集要諸編易鑑補遺二卷採輯

行述

六

史傳事蹟以証爰彖辭義比附切當闡前人未發之蘊春秋書法比義十二卷尤一生精力所在蒲城師王文恪公稱其參觀同異斷制精嚴足爲讀麟經者之津梁遂敘而梓傳劉氏族譜二卷亦闔族公議刊行若蓮窗書室制義詩賦各鈔出而贈衆人口乃因及門諸君及不孝等所固請而後肯

問世者也教人先品行而次文藝高明沉潛隨材成就家居時負笈者先後及門筮仕後每於莅任之初卽重建齋舍爲講課地在棗強者額曰集益

在定州者額曰敬修諸生執經問難反復告語不厭其詳又令不孝等與作文會給以卷資備其飲

食扁門課試而定甲乙案頭課藝高尺許批閱改

正嘗夜分不輟謂不孝等曰朋友講習吾不惟教

學相長卽汝輩亦受觀摩之益此亦人生樂事不

爲疲也又善識人棗強步明府際達初見卽許爲

端士後果成進士以孝友名家其弟際梅茂才際

桐觀察甫逾成童皆目爲清華之選茂才早歿而

觀察後果官翰林任侍御屢持文衡總計前後器

行述

七

賞者數十餘人類皆科目文章稱著一時而教澤

感被雖年深途遠問侍起居者每多惓惓焉不孝

等幼讀經書口講指畫長爲文字手授心傳自少

及壯得成微名始終皆仰承庭訓嗚呼人其父生

而師教之獨府君於不孝等父而兼師教養備至

乃罔極之恩未報而風木之感忽來此尤不孝等

呼天籲地椎首痛心哀哀泣血而不能已者也猶

憶卅載前攜不孝兄弟就館滄州運否時蹇不求

不伎雞窗燈火三年相依示以詩曰昔我客他鄉

歸家苦不早及至歸家時轉似出門好豈不懷故
廬聊以避喧擾硯田幸未荒詎肯任草草讀我舊
時書心清俗塵掃又有曰敢云授生徒藉以課兒
子讀書得工夫時會定有幾日曉開明窗雨過拭
淨几人生佳境界庶幾其在此借此几窗間努力
幸無己嗚呼言猶在耳今再思此景象胡可得耶
嗚呼痛哉府君解組後不孝慶元以教習議敘奉
旨以知縣用不孝慶凱由東阿令卓異保薦入

行述
觀先後回里省視府君謂得一番獎擢當加一番策勵

受寵若驚報稱爲難更於不孝等性質各偏處反

覆申誠焉是後不孝慶凱量移陽穀陞牧濮州雖

一再至署而戀戀於先人廬墓不久輒歸嘗有祭
掃三年闕瞻依一夢尋香煙空繚繞那得到松林
之句諭之曰汝但勤政愛民使百姓稱爲好官吾
榮多矣不在斤斤祿養也壬寅不孝慶元選授廣

東惠來縣令以路遠迎養維艱投效山左不孝慶

凱亦以兗州府丞承乏省垣讞局遂至濟南蕭然
一室自視欲然惟勉不孝等勤慎供職間與述先

德談經義賓僚如大興王中峯先生同譜舊誼通
州徐樹人觀察論文契心時一過從餘俱謝而不
見曰名場馳逐久非所好亦祇安吾素心而已甲
辰春不孝慶元署博平令三月間奉迎至博率衿

民奉觴祝壽頗顧而樂之不孝慶凱署濟寧州篆

於仲夏迎養至濟適州人孫殿撰毓淮大魁報至
不孝慶凱分校所得士也淵源佳話府君亦爲色

喜維時仰見面目精神康健如常竊意愛日方長
當承承色笑嘉平十五日爲先妣壽辰闔境紳民

行述

九

己擬製錦稱觴不孝等尙謂藉遂烏私何意天降

憫凶忽於十一月二十七日陡遭風寒痰火壅滯

延醫調治忽明忽昧竟於十二月初二日舍不孝

等而長逝耶嗚呼痛哉是皆不孝等侍奉無狀未

能先事預防一旦疾發猝然莫救不可爲人不可

爲子尙何覩顏人間耶嗚呼痛哉時先妣方抱疾

不孝慶元自東昌來省於二十八日到濟與不孝

慶凱共侍牀簀時或問答如常猶分執其手勗以

孝養勉以顯揚前一日言語竟日明晰夜間穩睡

如常不孝等私心竊計必無大慮何意延至翌辰

氣息漸微竟至不起耶嗚呼痛哉性節儉自安儒
素食無兼味衣不敝不易而於賓祭則備極豐敬
上侍曾祖下見曾孫頗爲得天倫之樂平生境遇
少時最順中歲動心忍性輒軻殊甚晚歲安康而
慮遠思深未嘗暇豫績學一生竟未大遇不孝等

雖稍有成立亦殊非夙願惟九叔父得膺選拔遂
父兄未竟之志及淮姚淮炬與嫡堂弟慶第同案

入學嘗一爲解顏又因伊等鄉試屢薦未售慨然

行述

十

曰汝輩功名固在恐吾不得見耳當時聆之沉痛
悲鬱竊謂言之不祥曾幾何時竟成語讖嗚呼痛
哉病之前二日因族弟某回籍囑其問訊族中各
尊長情意懇惻復念先人墳墓久未躬親奠掃又
三叔父致仕在籍未知相見何時悵然不樂者累
日孰意悽愴鬱抑遂感風寒彌留三日竟至不起
耶嗚呼痛哉

府君生於乾隆三十五年三月十五日辰時卒於
道光二十四年十二月初二日未時享壽七十有

五乾隆壬子科舉人歷任棗強縣訓導元氏縣教諭宣化府教授定州直隸州學正授甘肅秦安縣知縣

教授文林郎

覃恩

誥封奉政大夫山東兗州府同知三晉封通議大夫山

東候補道加二級元配

敕贈孺人

覃恩

行述

誥贈宜人 晉贈淑人先前妣郝太淑人邑霸州籍雍

正甲辰進士福建福州府同知諱 霍公會孫女乾

隆戊午舉人江南華亭縣知縣諱 本茂公孫女太

學生諱 飛熊公女生於乾隆三十二年十月十六

日丑時卒於乾隆五十六年四月二十七日亥時

享年二十有五附厝於邑城西先塋之左繼配

先妣太淑人姓吳氏世爲滄州名族康熙戊子舉

人諱 大成公會孫女庠生諱 銓公孫女乾隆庚辰

舉人歷官陝西潼商道甘肅按察使司按察使先

外王父

諱沂號

靜軒公之季女先外王母李淑人

出也性渾厚多遜讓得外王父母歡心姑嫂姊妹間敬愛異常情針繡之餘兼習吟咏所居樓下嘗植榕樹雙株因以名藁偶值室燬獨自扶負外王母出火中人早知孝行之過人矣乾隆癸丑歲于歸府君時外王父方守西安奩資頗備太淑人易簪珥減婢媪不肯以華靡勝儒素先曾祖母方在堂顧而樂之謂先祖父母曰新婦循禮盡道觀其居心行事不染宦家習氣真吾家婦也事先祖父

行述

三

母溫清備至盤匱咸潔先祖治家有法度嚴肅整齊太淑人身率娣姒讓善分過一無間言因此益得先祖父母歡相謂曰渾涵沉默長男婦可謂能識大體非惟酒食是議也先祖抱疾一應殮終之具稟商先祖母預爲妥備臨事得以無悞先祖母在籍逝世深以不親棺殮爲憾每逢歲時忌辰常歛獻流涕不置也天性友愛尤識大義視叔父等如同胞九叔父鳴宸公一叔父鏡塘公與不孝等年庚相若更愛育無間叔父等至今感敬弗替家

庭間推誠和睦讓而能忍諸叔母常相謂曰長嫂
寬厚包容與人無競吾輩何能及其萬一耶姻族
中調急扶危倒篋不吝卽下逮僕媪亦靡不憫其
其勞勤恤其飢寒故盛德之稱無間於親疎上下
焉府君勤舉子業嘗夜分不輟太淑人挑燈佐讀
當寒夜凜冽室無宿火不孝等年方幼襁褓攜負
左乳右啼而紡紉交勤雖手至皴裂不肯止迨主
理內政一切操作烹飪身先媳女婢媪不辭勞瘁
黽勉有無以佐緩急凡日用酬支考試婚嫁諸事

行述

十三

無一不費心力府君遂終身無內顧憂撫不孝兄

弟姊妹四人慈愛倍至而一有過失輒訓責不少

假曰人家子女失教皆其母姑息之故吾不忍以

愛汝者害汝也猶憶嘉慶癸亥歲省親澶關不孝

等時方幼讀先祖及府君皆以曠功爲虞而督課

嚴密功竟加倍歸而先祖試知喜曰此真知所以

愛子矣不孝等授室後恩勤憫鬻視婦輩如己出

每飯後燈前輒稱述先人勤儉忠厚俾習知家庭

故事亦隱欲其留意遵守也諸孫孫女長幼繞膝

含飴分甘而語言動作亦每教以禮法嘗訓之曰
吃虧讓人大有便宜吾一生行之頗知理之不誣
也嗚呼慈愛之中用意周深此尤非恒情所能揣
度者矣道光庚寅

不孝慶凱

初令東阿遣人迎養

先示以詩有但願一官清似水休教遺鮓到高堂
之句至則遇事提命訓誡周詳時舉先外王父令
粵所行教養聽斷緝捕諸德政使知則做

不孝等

忝膺民社吏事未爛而幸免愆尤不至貽府君憂
者此也是後由陽穀而濮州臨清俱皆至署然一

行述

十四

二年餘輒一回籍曰汝署中非不娛意但家中景
况吾不忍恣然置也迨壬寅歲長妹猝亡家人弗
敢以聞倉遽往迎與府君偕至濟南

不孝慶元

亦

以投效山左到省天倫聚首頗爲娛悅甲辰春

不

孝慶凱

委署濟寧州篆夏間先後迎養至署維時

步履強健精神壯旺見者皆以爲期頤可卜冬月

間時患喘嗽之症亦初不介意延醫調治漸次痊

可忽於騰月初二日陡遭府君大故驚慟哀慘症

遂加重纏綿反覆竟至不起嗚呼痛哉中歲多病

久藥始愈晚歲更益健旺行走出入未嘗扶杖倚人婢媪追隨恒不能及常正襟端坐自朝至夜分從無倚枕稍息之時人皆以爲福徵卽府君亦嘗曰汝母福量過人孰意所謂福量者竟止於斯耶嗚呼痛哉先是侍外王母疾時衣不解帶者十餘月歿後哀慟絕而復蘇遂得痰噎之症傷心輒犯次妹及姚氏婦亡時尤甚長妹之事家人始終不敢稟知者亦是故也而今皆相見於地下矣嗚呼痛哉當遭府君大故毀慟之餘猶強自排解以下

行述

五

慰

不孝等

之心時值歲除處分家人井井如平時

不孝等

方冀漸就痊愈得以常依膝下孰意病勢

綿纏醫治罔效延至正月初七日竟亦棄

不孝等

而長逝耶嗚呼痛哉相距旬月遂爲無父無母之人迴憶音容茫如隔世此皆

不孝等

罪深孽重以

罹此極也尙得覩然面目視息人間耶

先妣太淑人生於乾隆三十二年十二月十五日辰時卒於道光二十五年正月初七日巳時享壽

七十有九

敕封孺人

覃恩

誥封宜人晉封淑人子二長不孝慶元嘉慶戊寅副

榜道光甲午謄錄充鑲紅旗教習選授廣東惠來

縣知縣投效山東署博平縣知縣娶呂氏滄州順

治丙戌榜眼宏文院侍讀學士諱纘祖公孫太學

生諱崇楷公女次不孝慶凱嘉慶己卯舉人道光

丙戌進士山東東阿陽穀縣知縣充辛卯甲午鄉

試同考官濮州知州兗州府同知署臨濟濟寧直

行述

共

隸州知州泰安武定府知府 奏留山東以道員

補用娶姚氏青縣庠生 贈浙江歸安縣知縣加

三級諱思實公孫女乾隆己酉舉人浙江長興縣

知縣諱大謙公女繼娶周氏涪州乾隆丁巳進士

太子太傅兵部尙書 上書房總師傅諱文恭

諱煌公孫女乾隆壬子舉人山東桃源同知曹州

府知府諱宗華公女女二長適宛平縣乾隆己丑

進士福建延建邵道戴諱求仁公孫太學生 贈

四川閬中縣知縣諱聖清公子太學生名權義次

字獻縣紀氏早卒孫男四長

淮姚不孝慶元

出附

學生娶葉氏滄州附貢浙江按察使司按察使內

閣侍讀學士姨丈

諱

汝芝公孫女嘉慶庚午鄉試

挑取謄錄現任江西義寧州知州

名

濟英公女次

淮姪不孝慶凱

出廩膳生娶張氏靜海縣嘉慶庚

申舉人奉天廣寧縣訓導

諱

調元公孫女庠生

作震公撫女庠生

名

倬雲公女三

淮炳不孝慶元

出業儒聘王氏同邑兩淮石港場鹽大使

諱

鶴翬

公孫女道光丙戌會元浙江道監察御史

諱

慶元

行述

公女廩膳生

名

慶桂公撫女四

淮焯不孝慶凱

出

業儒聘崔氏慶雲縣嘉慶庚申舉人山西蒲縣知

縣

諱

旭公孫女道光己丑進士江蘇松江府知府

名光笏公女孫女二長適滄州河南儀睢通判黃

沁同知舅氏吳

諱

茂楠公孫現任山東王家岡場

鹽大使

名

敦元公子

名

峨次適南皮縣庠生

封

浙江候補知縣加三級張

諱

葵馨公孫嘉慶戊辰

舉人山東館陶縣知縣

名

恪公子附學生

皆

不孝慶元

出曾孫男二長

久僖淮姚

出次

濟佑

淮炬 出俱幼未聘曾孫女四 淮姚 出者三 淮炬 出

者一俱幼未字今穆卜於道光二十六年十月初

七日扶柩並啟先前妣郝太淑人厝合葬於邑城

西之新阡 不孝等 悞迷之餘語多呈漏謹就見聞

所及粗述大畧不敢文飾附會以誣先人伏乞

當代大人先生俯賜矜憫錫之銘誅以光泉壤 不孝

等 世世子孫感且不朽 拜 泣 血 謹 述

孤哀子劉慶 元凱 泣血謹述

賜進士出身

行述

十六

誥授光祿大夫

欽賜二品頂戴前 經筵講官吏部尚書協辦大學士

通家愚弟湯金釗頓首拜填諱

當於大人去主前題存歸德之給精以火泉

而或母數大畧不疏交論補會以時去人

而之海刊 不孝等 誥 授 光 祿 大 夫 欽 賜 二 品 頂 戴 前

少日寒澌並憶表前地滿太斯人謂合葬氣已

書一具處未宰今感小叙數光二十六平十七

出其與未觀會經文四 拜 泣 出 書 三 拜 泣 出

